



STINAPA TA INFORMA

HASI DEPORTE DEN NATURALESA

E amor pa naturalesa taba'ei for di tempran serka Dirk Jan Methorst. Komo mucha e tabata biba den lokual nan ta yama "De Achterhoek" e parti ost i sentral di Hulanda. E kas di su mayornan tabata riba un distansha di solamente 50 meter di e mondi, i tur dia e tabata pasa dor di dje pa e kana bai skol. Den temporada ku el a bai studia na Hotelschool el a topa Annette ku despues a bira su kasá. Despues di su estudio e mester a kumpli ku servisio militar. Komo amante di deporte ku Dirk Jan tabata, e kier a hasi algu positivo ku e periodo ei, i el a bira marinier. En bista ku a pone e oportunidad pa bai Kòrsou su dilanti, mesora a pon 'e firma pa 3 aña. Pa un aña largu el a bai einan den promé instante huntu ku su amiga Annette, pero al final a bira 2 aña. Su último aña komo militar tabata na Doorn. Na tur DJ (manera tur hende sa yam'é), ta mira bek riba un tempu hopi bon komo militar. Bula ku parashut, trein den sneu na Noruega. Tur e kosnan ei den un organisashon hopi profeshonal. E pareha a bai biaha despues un aña largu dor di Oustralia i New Zealand, pero nan tabata kòrda kada ratu riba nan temporada den Karibe. Pues tabata un desishon fásil ora DJ a haña un oferta di un amigu pa bin lanta un Carrental na Boneiru pa bini akinan. Na Boneiru Dirk Jan por ehersé su tres gran amor deportivo; sambuyá riba e bunita ref, kore mountainbike den e serunan, i hasi deporte di windsurf den Lac. Ku su kasá i tres yu e ta bai laman pa kombiná su amor pa nan ku su amor pa naturalesa. "Nos ta bai Atlantis ora solo ta ba baha. E paisahe einan ta fenomenal. Bo ta mira e kitesurfers, e bahada di solo ku ta traha riba e kolonan di e saliñanan." DJ ta splika entusiasma. "Pero tambe nos sa bai den parke, na Boka Kokolishi, un boka kaminda nos por rilèks den e olanan. Un lugá úniko." Asina e konosé hopi lugá bunita na Boneiru, pero esun ku ta sobresalí mas tantu ta keda Lac. Komo doño di Jibe City e tabata bin einan tur dia pa 4 aña largu. Ainda e por gosa hopi di e diferente variashon di blou, e sintimentu di libertat ku e área ta dun'é. Te ainda, despues di e benta di Jibe City, awor komo akshonista di Sorobon Beach Resort, e tin relashon ku e área. Por ta un tiki mas den background. Protekshon di naturalesa p'e ta interes propio tambe. Su negoshi ta benefisiá ora Lac keda bon preservá. P'esei tambe Dirk Jan lo yuda organisashon ku ta protehá naturalesa manera STINAPA, i científiko manera CIEE pa logra haña un ekilibrio entre protekshon i e uso di un área di naturalesa." Mester tin suficiente boluntat general pa protekshon di naturalesa, suficiente entrada pa poblashon di Boneiru. E karakter úniko di Boneiru ta atraé turista ku ta ofresé un entrada pa un gran parti di poblashon di Boneiru. Nos mester usa naturalesa, pero na un manera responsabel." Sorobon Beach Resort ta un di spònsenan di e kampaña "Ban trese Karko bèk" . "mi ta spera ku lo bin hopi mas di e proyektonan aki" DJ ta bisa." Ku hende lo ta kreativo ku e tópikonan aki pa nan keda den spòtlait. Sea si ta pa protekshon di karko òf sierto tipo di mata. Naturalesa mester di nos atenshon, i mi ta kere ku tur hende ta habrí pa esei".

Skirbí pa Wietze Koopman

Pa mas informashon i reaksjon: STINAPA, telefon 717 - 8444, info@stinapa.org

NOS TA BIBA DI NATURALESA



Traha huntu na un desaroyo duradero pa Boneiru